



## Jannie du Toit

Lirieke van my opnames. Meer te kry op my webblad  
[www.janniedutoit.com](http://www.janniedutoit.com)

### DIE LIEFDE

Musiek: Christa Steyn  
Teks: Jannie du Toit

*(I Korintiërs 13)*

Praat die soetste taal op aarde  
Sonder liefde klink dit vaal  
Selfs 'n hemeltaal vol waarde  
Word dan soos 'n flou simbaal

Ook al deel ek al my goed uit  
Offer ek my lewe op  
Maar ek doen dit sonder liefde  
Bly dit als 'n leë dop:

Al bekeer jy ook die wêreld  
Lees die Skrif en jy sal leer  
"Met geloof versit ons berge!"  
Maar liefde maak dit alles meer  
Ag, die liefde is geduldig  
En die liefde glimlag breed  
Liefde gun 'n ander alles  
Liefde deel in lief en leed  
Liefde hou nie boek van kwaad nie  
Is oor die waarheid altyd bly  
Liefde glo, verdra en hoop als  
Bedek die kwaad en spreek jou vry

Ander gawes is verganklik  
Word op aarde uitgedien  
Net die liefde bly vir ewig  
Selfs as ons volledig sien

Ag, die liefde is geduldig  
En die liefde glimlag breed  
Liefde gun 'n ander alles  
Liefde deel in lief en leed  
Liefde hou nie boek van kwaad nie  
Is oor die waarheid altyd bly  
Liefde glo, verdra en hoop als  
Bedek die kwaad en spreek jou vry

Nou is daar vir ons drie dinge:  
Geloof en hoop en liefde bly  
En die grootste, die grootste hiervan is die liefde